



Comhairle an
Aontais Eorpaigh



14452/14

(OR. en)

PRESSE 531
PR CO 53

PREASEISIÚINT

An 3341ú cruinniú de chuid na Comhairle

Gnóthaí Eachtracha

Lucsamburg, 21 Deireadh Fómhair 2014

An tUachtarán **Sandro Gozi**
Státrúnaí na hIodáile le haghaidh Gnóthaí Eorpacha

P R E A S

Rue de la Loi 175 B – 1048 AN BHRUISÉIL Teil.: +32 (0)2 281 6319 Facs: +32 (0)2 281 8026
press.office@consilium.europa.eu <http://www.consilium.europa.eu/press>

Príomhthorthaí na Comhairle

Conclúidí ón gComhairle Eorpach

Rinne an Chomhairle an obair ullmhúcháin don Chomhairle Eorpach an 23-24 Deireadh Fómhair agus rinne sí tuairimí a mhalartú trí nasc físe le hUachtarán na Comhairle Eorpaí, Herman Van Rompuy. Díreoidh an Chomhairle Eorpach go háirithe ar an aeráid agus ar an bhfuinneamh, agus é de chuspóir aici teacht ar chomhaontú maidir le creat beartais nua don aeráid agus don fhuinneamh do 2030. "Bhí an plé an-spreagúil. Tá mian fíorpholaitiúil ann teacht ar réiteach agus is féidir teacht ar chomhaontú", a dúirt Sandro Gozi, Státrúnaí na hIodáile le haghaidh Gnóthaí Eorpacha agus Uachtarán na Comhairle.

An méid a lean as Comhairle Eorpach mhí an Mheithimh

Tar éis Comhairle Eorpach mhí an Mheithimh, thug an Comhairle dá haire an clár oibre straitéiseach agus dhírigh sí ar an gcaibidil faoi shaoirse, faoi shlándáil agus faoi cheartas. Phléigh na hairí an méid a d'fhéadfaí a dhéanamh le feabhas a chur ar an gcur chun feidhme nó le dlús a chur leis. Tugadh aird faoi leith ar shaincheist na dtrodairí eachtracha agus ar shaincheist taifid ainmneacha phaisinéirí AE.

Clársceidealú bliantúil agus ilbhliantúil idirinstiúideach a neartú

Thug an Chomhairle sainordú don Uachtaránacht teagmháil a dhéanamh leis an gCoimisiún maidir le Clár Oibre Bliantúil 2015 agus le teagmháil a dhéanamh leis an gCoimisiún agus le Parlaimint na hEorpa araon d'fhonn próiseas comhairliúcháin a chur ar bun do chlársceidealú nua agus éifeachtach ilbhliantúil idirinstiúideach. "Is seo tosaíocht eile atá ag Uachtaránacht na hIodáile, a mbeidh éifeacht an-nithiúil ag gabháil léi. Leis an tosaíocht sin, beidh sé níos fusa ag an Aontas gníomh a dhéanamh agus freagairt a thabhairt", a dúirt an Státrúnaí Sandro Gozi tar éis an chruinnithe.

CLÁR¹**RANNPHÁIRTITHE 5****MÍREANNA A PLÉADH**

Ullmhúchán do Chomhairle Eorpach mhí Dheireadh Fómhair 7

An méid a lean as Comhairle Eorpach mhí an Mheithimh 7

Airteagal 10 de Phrótacal 36 a ghabhann leis na Conarthaí a chur i bhfeidhm 8

Coiste na Réigiún 9

An clársceidealú bliantúil agus ilbhliantúil idirinstiúideach a neartú 9

MÍREANNA EILE A FORMHEASADH*GNÓTHAÍ GINEARÁLTA*

– Cistí an bheartais chomhtháthaithe - tacaíocht do ghiniúint fuinnimh inathnuaite 10

– Straitéisí macrairéigiúnacha a rialú 10

GNÓTHAÍ EACNAMAÍOCHA AGUS AIRGEADAIS

– An treoir maidir le ceanglais chaipitil: Caighdeán theicniúla 10

CEARTAS AGUS GNÓTHAÍ BAILE

– Malartú uathoibríoch sonraí (SCF (Sonraí Cláraithe Feithiclí)) leis an gCipir 11

– Malartú uathoibríoch sonraí ((SCF) (Sonraí Cláraithe Feithiclí)) leis an Eastóin 11

BEARTAS TRÁDÁLA

– An Eagraíocht Dhomhanda Trádála (EDT) - An tSeapáin - Soláthar iarnróid 11

IOMAÍOCHT

– Comhaontú comhair AE/na hEilvéise maidir le rialacha iomaíochta 12

¹

- I gcás ina mbeidh dearbhuithe, conclúidí nó rún glactha go foirmiúil ag an gComhairle, léirítear é seo sa cheannteideal don ábhar lena mbaineann agus cuirtear an téacs idir chomharthaí athfhríotail.
- Doiciméid a dtugtar tagairtí dóibh sa téacs, tá siad ar fáil ar láithreán Idirlín na Comhairle (<http://www.consilium.europa.eu>).
- Gníomhartha a glacadh le dearbhuithe do mhiontuairiscí na Comhairle agus a fhéadfar a scaoileadh leis an bpobal, taispeántar le réiltín iad; tá na dearbhuithe seo ar fáil ar láithreán Idirlín na Comhairle nó féadfar iad a fháil ón bPreas-Oifig.

FOSTAÍOCHT

- Leas a bhaint as an gCiste Eorpach um Choigeartú don Domhandú le haghaidh na Beilge agus na Fraince..... 12

CULTÚR

- Príomhchathracha Cultúir na hEorpa 2020-2033 13
- Rochtain phoiblí ar dhoiciméid 13

RANNPÁIRTITHE

An Bheilg:

François ROUX

An Bhulgáir:

Rumen ALEXANDROV

Poblacht na Seice:

Lubomír ZAORÁLEK

An Danmhairg:

Martin LIDEGAARD

An Ghearmáin:

Michael ROTH

An Eastóin:

Matti MAASIKAS

Éire:

Dara MURPHY

An Ghréig:

Dimitrios KOURKOULAS

An Spáinn:

Iñigo MENDEZ DE VIGO

An Fhrainc:

Harlem DÉSIR

An Chróit:

Mato ŠKRABALO

An Iodáil:

Sandro GOZI

An Chipir:

Ioannis KASOULIDES

An Laitvia:

Edgars RINKĒVIČS

An Liotuáin:

Rolandas KRIŠČIŪNAS

Lucsamburg

Jean ASSELBORN

An Ungáir:

László SZABÓ

Málta:

Louis GRECH

An Ísiltír:

Bert KOENDERS

An Ostair:

Walter GRAHAMMER

An Pholainn:

Rafał TRZASKOWSKI

An Phortaingéil:

Bruno MAÇÃES

An Rómáin:

George CIAMBA

An tArd-Stiúrthóir Gnóthaí Eorpacha

Leas-Aire Gnóthaí Eachtracha

An tAire Gnóthaí Eachtracha

An tAire Gnóthaí Eachtracha

Aire Stáit, an Aireacht Gnóthaí Eachtracha

An Buanionadaí

Aire Stáit Gnóthaí Eorpacha

Státrúnaí Gnóthaí Eachtracha

Státrúnaí Gnóthaí Eorpacha

Státrúnaí Gnóthaí Eorpacha

Buanionadaí

Státrúnaí i gceannas ar Ghnóthaí Eorpacha

An tAire Gnóthaí Eachtracha

An tAire Gnóthaí Eachtracha

Leas-Aire Gnóthaí Eachtracha

An tAire Gnóthaí Eachtracha agus Eorpacha, An tAire Inimisce agus Tearmainn

Leas-Aire ag an Aireacht Gnóthaí Eachtracha agus Trádála

An Leas-Phríomh-Aire agus Aire Gnóthaí Eorpacha agus Cur chun Feidhme an Fhorógra Toghcháin

An tAire Gnóthaí Eachtracha

An Buanionadaí

An tAire Gnóthaí Eorpacha agus An Státrúnaí, an Aireacht Gnóthaí Eachtracha

Státrúnaí maidir le Gnóthaí Eorpacha

An Státrúnaí, an Aireacht Gnóthaí Eachtracha

An tSlóivéin:

Dragoljuba BENČINA

An tSlóvaic:

Miroslav LAJČÁK

Peter JAVORČÍK

An Fhionlainn:

Lenita TOIVAKKA

An tSualainn:

Margot WALLSTRÖM

An Ríocht Aontaithe:

David LIDINGTON

An Státrúnaí, an Aireacht Gnóthaí Eachtracha

An Leas-Phríomh-Aire agus an tAire Gnóthaí Eachtracha
Státrúnaí ag an Aireacht Gnóthaí Eachtracha

An tAire Gnóthaí Eorpacha agus Trádála Eachtraí

An tAire Gnóthaí Eachtracha

An tAire Stáit don Eoraip ag an Oifig Gnóthaí Eachtracha
agus Gnóthaí Comhlathais

An Coimisiún:

Maroš ŠEFČOVIČ

An Leas-Uachtarán

MÍREANNA A PLÉADH

Ullmhúchán do Chomhairle Eorpach mhí Dheireadh Fómhair

Scrúdaigh an Chomhairle na dréacht-chonclúidí don chruinniú a bheidh ag an gComhairle Eorpach an 23-24 Deireadh Fómhair, agus rinne sí tuairimí a mhalartú le hUachtarán na Comhairle Eorpaí, Herman Van Rompuy, trí nasc físe.

Díreoidh Comhairle Eorpach mhí Dheireadh Fómhair ar an méid a leanas:

- An aeráid agus an fuinneamh; tá sé de chuspóir teacht ar chomhaontú maidir le creat beartais nua don aeráid agus don fhuinneamh do 2030;
- Saincheisteanna eacnamaíocha; pléfidh an Chomhairle Eorpach an staid eacnamaíoch san Aontas Eorpach bunaithe ar chur i láthair ón gCoimisiún agus ar obair a rinne an Chomhairle;
- Míreanna eile; i bhfianaise na bhforbairtí, féadfar aghaidh a thabhairt ar shaincheisteanna sonracha maidir le caidreamh seachtrach sonracha, amhail géarchéim Ebola.

Meastar go nglacfaidh an Chomhairle Eorpach Straitéis an Aontais Eorpaigh don Réigiún Adriadach agus Iónach. Thairis sin agus faoi réir vóta ó Pharlaimint na hEorpa lena dtabharfar toiliú i dtaca leis an Uachtarán, i dtaca le hArdionadaí an Aontais do Ghnóthaí Eachtracha agus don Bheartas Slándála agus i dtaca le comhaltaí eile den Choimisiún mar chomhlacht, glacfaidh an Chomhairle Eorpach cinneadh lena gceapfar an Coimisiún Eorpach.

Rinne an Chomhairle plé ar dhréacht-chlár oibre anótáilte an 29 Meán Fómhair ([12780/14](#)).

An méid a lean as Comhairle Eorpach mhí an Mheithimh

Mar bheart leantach Chomhairle Eorpach mhí an Mheithimh, thug an Chomhairle dá haire an clár oibre straitéiseach agus dhírigh sí ar an gcaibidil faoi shaoirse, faoi shlándáil agus faoi cheartas. Phléigh na hairí an dóigh ina bhféadfar conclúidí na Comhairle Eorpaí maidir leis an gcolún sin den chlár straitéiseach a chur chun feidhme ar bhealach níos fearr, agus thug siad a measúnú maidir leis an dul chun cinn atá déanta agus ar an méid a fhéadfar a dhéanamh le feabhas a chur ar an gcur chun feidhme nó le dlús a chur leis an gcur chun feidhme sin. Tugadh aird faoi leith ar shaincheist na dtrodairí eachtracha agus ar shaincheist taifid ainmneacha phaisinéirí AE.

Bunaíodh an plé ar nóta ón Uachtaránacht ([14208/14](#)) lena leagtar amach an dul chun cinn atá déanta maidir leis na príomh-threoshuímh sa limistéar saoirse, slándála agus ceartais. Dírítear leis an nóta ar léargas ginearálta a thabhairt don Chomhairle ar an dul chun cinn atá déanta maidir le beartais ábhartha, amhail; imirce, tearmann, teorainneacha cliste, Oifig an Ionchúisitheora Phoiblí Eorpaigh, cosaint sonraí, sonraí faoi thaifid ainmneacha phaisinéirí AE agus sceimhlitheoireacht, trodairí eachtracha san áireamh.

Is cleachtas nua é an plé maidir le cur chun feidhme a sheol an Uachtaránacht, inar moladh, ag an gCruinniú Gnóthaí Ginearálta a bhí ar siúl i mí Iúil, feabhas a chur ar an obair leantach maidir le treoshuímh na Comhairle Eorpaigh agus díriú ar na tosaíochtaí a leagtar amach sa chlár oibre straitéiseach a glacadh i mí Mheithimh. Is é an aidhm atá ann na tuarascálacha cuimsitheacha cur chun feidhme a fhoilsítear gach sé mhí agus lena gcumhdaítear gach earnáil a chomhlánú trí thuarascálacha míosúla a eisiúint ina ndírítear ar cholún den chlár oibre straitéiseach.

Airteagal 10 de Phrótacal 36 a ghabhann leis na Conarthaí a chur i bhfeidhm

Thug an Chomhairle dá haire an dul chun cinn atá déanta maidir leis an ullmhúchán do dheireadh na hidirthréimhse iar-Liospóin do na bearta a bhí ann faoin Tríú colún an 30 Samhain i mbliana.

Thug an Uachtaránacht dá haire go ndearnadh roinnt mhaith dul chun cinn agus mheas sí go leanfaí leis an obair atá á déanamh ar na saincheisteanna sin go dtí an spriocdháta atá ann, an 1 Nollaig 2014. Chuir an Ríocht Aontaithe dearbhú i láthair freisin do mhiontuairiscí an chruinnithe maidir leis na rúin atá aige i leith Cinntí Prüm agus Cinneadh Réime na Tréimhse Promhaidh.

Le Prótacal 36 a ghabhann le Conradh Liospóin, tugtar de chumhacht don Ríocht Aontaithe a chinneadh ar chóir í a cheangal faoin tuairim is 130 beart maidir le póilíneacht agus ceartas coiriúil, nó ar chóir a ceart a fheidhmiú fanacht amuigh uathu ar fad.

Mar sin féin, foráiltear freisin leis an bprótacal céanna gur féidir le UK iarraidh a dhéanamh a bheith páirteach i ngníomhartha mar sin arís. Tá an Ríocht Aontaithe tar éis a rún a chur in iúl go neamhfhoirmiúil go bhfuil sí ag iarraidh glacadh arís le roinnt ionstraimí. Tá plé deiridh ar an tsaincheist sin á dhéanamh faoi láthair idir an Coimisiún agus an Ríocht Aontaithe, agus i dtionól na Comhairle chomh maith.

Coiste na Réigiún

Bhí plé ag an gComhairle maidir le comhdhéanamh Choiste na Réigiún agus chinn sí filleadh ar an tsaincheist sin ag ceann de na cruinnithe a bheidh aici amach anseo.

Agus aird á tabhairt aici ar na hábhair inní a cuireadh in iúl, léirigh an Uachtaránacht go leanfaí leis na comhairliúcháin d'fhonn teacht ar réiteach chun go n-áiritheofar feidhmiú cuí institiúidí an Aontais Eorpaigh.

I gcomhréir le conarthaí an Aontais Eorpaigh, ní fhéadfaidh líon na gcomhaltaí ar Choiste na Réigiún nó ar Choiste Eacnamaíoch agus Sóisialta na hEorpa a bheith os cionn 350 comhalta. Mar sin féin, le haontachas na Cróite leis an Aontas, ardaíodh líon na gcomhaltaí go 353. Ba bheart sealadach é sin don tréimhse ón dáta aontachais go deireadh an téarma oifige. Tá deireadh le téarma reatha oifige Choiste na Réigiún an 25 Eanáir 2015.

An clársceidealú bliantúil agus ilbhliantúil idirinstiúideach a neartú

Thug an Chomhairle sainordú don Uachtaránacht teagmháil a dhéanamh leis an gCoimisiún maidir le Clár Oibre Bliantúil 2015 agus le teagmháil a dhéanamh leis an gCoimisiún agus le Parlaimint na hEorpa araon d'fhonn próiseas comhairliúcháin a chur ar bun do chlársceidealú nua agus éifeachtach ilbhliantúil idirinstiúideach.

Thug an Uachtaránacht dá haire, sa chur i láthair a rinne sí, go raibh na gnéithe bunúsacha ann cheana; ba cheart go mbeadh an Clár Oibre Straitéiseach a ghlac an Chomhairle Eorpach i mí an Mheithimh agus deich bpointe Uachtarán toghaí an Choimisiúin, Juncker, mar phointe tosaigh coitianta ag na trí hinstiúidí.

MÍREANNA EILE A FORMHEASADH**GNÓTHAÍ GINEARÁLTA****Cistí an bheartais chomhtháthaithe - tacaíocht do ghiniúint fuinnimh inathnuaite**

Ghlac an Chomhairle conclúidí maidir le tuarascáil speisialta ó Chúirt Iniúchóirí na hEorpa dar teideal "Cistí an bheartais chomhtháthaithe - tacaíocht do ghiniúint fuinnimh inathnuaite - ar baineadh torthaí fóna amach?", mar a leagtar amach in [13856/14](#).

Straitéisí macrairéigiúnacha a rialú

Ghlac an Chomhairle conclúidí maidir le straitéisí macrairéigiúnacha a rialú, mar a leagtar amach in [13374/14](#).

Is éard atá i straitéisí mhacrairéigiúnach creat comhtháite chun aghaidh a thabhairt ar dhúshláin choiteanna i limistéar geografach faoi leith ina bhfuil idir Bhallstáit agus thríú tíortha suite. Is é an cuspóir atá aici comhar a neartú d'fhonn comhtháthú eacnamaíoch, sóisialta agus críochach a bhaint amach.

GNÓTHAÍ EACNAMAÍOCHA AGUS AIRGEADAIS**An treoir maidir le ceanglais chaipitil: Caighdeáin theicniúla**

Chinn an Chomhairle gan cur i gcoinne an Choimisiúin agus dhá rialachán á nglacadh aige lena bhforlíontar an treoir maidir le ceanglais chaipitil ("CRD4") 2013/36/AE i ndáil leis an méid a leanas:

- Faisnéis atá le cur ar fáil agus an ceart bunaíochta agus an tsaoirse seirbhísí a chur ar fáil á gcleachtadh.
- Láthair gheografach na neamhchosaintí ábhartha creidmheasa a shainaithint le rátaí cúlchiste fhritimthriallaigh atá sonrach d'institiúid a ríomh.

Is gníomhartha tarmligthe iad na rialacháin de bhun Airteagal 290 den Chonradh ar Fheidhmiú an Aontais Eorpaigh. Féadfaidh siad teacht i bhfeidhm anois, mura ndéanann Parlaimint na hEorpa agóid ina gcoinne.

CEARTAS AGUS GNÓTHAÍ BAILE**Malartú uathoibríoch sonraí (SCF (Sonraí Cláraithe Feithiclí) leis an gCipir**

Ghlac an Chomhairle cinneadh maidir le seoladh an mhalartaithe uathoibríoch sonraí i ndáil le Sonraí Clárúcháin Feithiclí (SCF) sa Chipir ([13438/14](#)). Leis an nós imeachta meastóireachta a éilítear le Cinneadh 2008/616/CGB (IO L 210, 6.8.2008) baineadh de thátal as go bhfuil na forálacha ginearálta maidir le cosaint sonraí á gcur chun feidhme go hiomlán ag Poblacht na Cipire agus dá bhrí sin go bhfuil sí i dteideal sonraí pearsanta a fháil agus a sholáthar ón dáta a dtiocfaidh an cinneadh sin i bhfeidhm.

Malartú uathoibríoch sonraí ((SCF) (Sonraí Cláraithe Feithiclí) leis an Eastóin

Ghlac an Chomhairle cinneadh maidir le seoladh an mhalartaithe uathoibríoch sonraí i ndáil le Sonraí Clárúcháin Feithiclí (SCF) san Eastóin ([13730/14](#)). Leis an nós imeachta meastóireachta a éilítear le Cinneadh 2008/616/CGB (IO L 210, 6.8.2008) baineadh de thátal as go bhfuil na forálacha ginearálta maidir le cosaint sonraí á gcur chun feidhme go hiomlán ag an Eastóin agus dá bhrí sin go bhfuil sí i dteideal sonraí pearsanta a fháil agus a sholáthar ón dáta a dtiocfaidh an cinneadh sin i bhfeidhm.

BEARTAS TRÁDÁLA**An Eagraíocht Dhomhanda Trádála (EDT) - An tSeapáin - Soláthar iarnróid**

Chinn an Chomhairle a hagóidí maidir le trí chuideachta iarnróid ón tSeapáin a dhíliostú ó cheangaltais na Seapáine faoin gComhaontú EDT maidir le soláthair rialtais.

Bunaítear seasamh an Aontais laistigh de choiste na hEagraíochta Domhanda Trádála maidir le soláthar rialtais le cinneadh na Comhairle. Leis sin, cuirtear ar chumas an choiste aitheantas a thabhairt d'astarraingt an forchoimeádas deireanach atá fós le réiteach.

Is iad Cuideachta Iarnróid Oirthear na Seapáine, Cuideachta Iarnróid na Seapáine Láir agus Cuideachta Iarnróid Iarthar na Seapáine na trí chuideachta atá i gceist.

IOMAÍOCHT**Comhaontú comhair AE/na hEilvéise maidir le rialacha iomaíochta**

D'fhorhmeas an Chomhairle tabhairt chun críche comhaontú comhair leis an Eilvéis maidir le dlíthe iomaíochta.

Is é cuspóir an chomhaontaithe ([12513/12](#)) cur le forfheidhmiú éifeachtach dhlíthe iomaíochta gach Páirtí trí chomhar agus trí chomhordú, lena n-áirítear faisnéis a mhalartú, agus an fhéidearthacht go mbeidh coinbhleachtaí ann idir na Páirtithe i ngach ábhair a bhaineann le feidhmiú na ndlíthe iomaíochta a sheachaint nó a mhaolú.

Síníodh an comhaontú sa Bhruiséil an 17 Bealtaine 2013. D'údaraigh an Chomhairle síniú an chomhaontaithe an 22 Aibreán 2013 agus thoiligh Parlaimint na hEorpa lena thabhairt chun críche an 5 Feabhra 2014.

FOSTAÍOCHT**Leas a bhaint as an gCiste Eorpach um Choigeartú don Domhandú le haghaidh na Beilge agus na Fraince**

Ghlac an Chomhairle dhá chinneadh lena gcuirfear EUR 13.6 mhilliún ar an iomlán ar fáil faoin gCiste Eorpach um Choigeartú don Domhandú (EGF), chun tacaíocht a thabhairt d'oibrithe a chaill a bpost sa Bheilg agus sa bhFrainc.

Baintear leas as EUR 12.7 milliún tar éis 6 120 oibrí a dhífhostú ag Peugeot Citroën Automobile. Tá na hiomarcaíochtaí mar thoradh ar mhóráthruithe struchtúrtha i bpatrúin trádála an domhain i ngeall ar an domhandú. Cuirtear EUR 911 934 sa bhreis ar fáil tar éis do Carsid, fiontar Beilgeach a oibríonn i dtáirgeadh amhchruach síorthailgthe, 939 oibrí a scaoileadh, tar éis athruithe móra struchtúracha sna patrúin trádála domhanda ar cailleadh sciar margaidh an Aontais sna margáí domhanda dá mbarr.

Cabhraíonn EGF le hoibrithe poist nua a fháil agus scileanna nua a fhorbairt nuair a chailleann siad a bpost mar thoradh ar phatrúin dhomhanda trádála atá ag athrú, e.g. nuair a dhúnann cuideachta mhór síos nó nuair a bhogtar monarcha go háit eile lasmuigh den Aontas Eorpach nó má chailltear poist mar thoradh ar an ngéarchéim dhomhanda airgeadais agus eacnamaíoch. Is é atá i gceist leis an gcabhair ó EGF bearta a chómhaoiniú amhail cúnamh i ndáil le cuardach poist, comhairle gairme, oiliúint agus athoiliúint shaincheaptha, meantóireacht agus fiontraíocht a chur chun cinn. Chomh maith leis sin, soláthraíonn sé tacaíocht aonuaire, faoi theorainn ama, do dhaoine aonair, amhail liúntais chun post a chuardach, liúntais soghluaisteachta agus liúntais d'fhonn páirt a ghlacadh i bhfoghlaim ar feadh an tsaoil agus i ngníomhaíochtaí oiliúna.

CULTÚR**Príomhchathracha Cultúir na hEorpa 2020-2033¹**

Dhearbhaigh an Chomhairle go bhféadfaidh an Laitvia, an Fhionlainn agus an Ghearmáin saineolaí amháin an ceann a mholadh don phainéal roghnúcháin agus faireachán maidir leis an ngníomh Phríomhchathair Cultúir na hEorpa don tréimhse 2015-2018. Roghnaíodh na tíortha sin trí chranncur a rinneadh ag an gcrúinniú a bhí ag Coiste na mBuanionadaithe (Cuid 1) an 10 Deireadh Fómhair 2014, i gcomhréir le cinneadh cur chun feidhme na Comhairle maidir leis na socruithe praiticiúla agus nós imeachta le go gceapfaidh an Chomhairle trí shaineolaí chuig an bpainéal roghnúcháin².

Tar éis an grinnschrúdú cuí a dhéanamh, ceapfaidh an Chomhairle saineolaithe roimh dheireadh 2014. Beidh deichniúr saineolaithe ar an bpainéal; is iad institiúidí agus comhlachtaí eile de chuid AE a cheapfaidh an seachtar saineolaithe eile.

TRÉDHEARCAHT**Rochtain phoiblí ar dhoiciméid**

D'fhormheas an Chomhairle an méid a leanas an 21 Deireadh Fómhair 2014:

- an freagra ar iarratas daingniúcháin Uimh. 28/c/01/14 ([13897/14](#))

¹ *IO L 132, 3.5.2014.*

² *IO L 175, 14.6.2014*